



圖書

圖書

圖書

四

者無幾音節凌厲闡幽揭明譬諸古鍾磬雖不  
諧俚耳自可尋玩使立朝廷為雅頌詠太平勒  
鼎彝豈不偉歟顧長歌短吟寄蟲魚花卉羈愁  
感歎間來儀率舞之意亡風刺憂懼之音作有  
才流落至此益知宋之不復競矣宋人主理不  
主調謂理即詩也一切直致取平近為貴特禪  
人偈語耳先生冲澹典麗可與建安黃初角上  
下易箒如夢令一闕猶精明不亂抑予不獨因  
是以知先生且可以觀世尚矣

弘治乙丑三月望日

賜進士文林郎四川道監察御史瀛川晚學生  
章瑞撰

環谷存藁叙

西園汪康範先生詩凡七十首其來孫湛圖刻之嗟乎雖無老成人尚有典刑斯集也吾鄉典刑哉先生讀書環谷山中因命其所存藁厥遭靡時潛龍勿用夫宋之南也斯則何時當路徒以逸名薦先生先生果逸者哉罔克在厥服故知賢而不好是不知也好而不用是不好也用于而不專猶不用也嗚呼宋於先生為知耶用耶好耶難言哉元人入武林大家流離先生藁存

之冊中以傳不朽因通閱家花園書凡  
 先志為名秀兩稱述考採而附於篇末  
 曰附錄外集其先志兩自華者自附錄內  
 集今為一帙庶不至散送稿完群從弟  
 姪輩翕然效順各出兩符助成再給  
 用之說功予於此益信秉彛如德之立  
 人心亦可誣也珪拙守家食每以弗克不  
 承是懼猶幸於斯刻已少効力後之操  
 是猶者盡相砥礪進而尚希其為空至  
 次焉者志不失為良民他日庶可又免  
 生於地也

嘉靖二十二年歲次辛丑商珪謹書

康範先生遺稿後

按先生養靜環空山中卒也。以死再傳  
紀得志香山先生表及手

朝其不泯之香與彼草木俱腐也者。集  
希今之志先生也。四百有餘年而名實  
尚新。賴弓斯集在案。幸甚。而秋初又  
中。公先生自宦印。為集校刊。復於  
夏。獲先生遺像。命員之。圖為小影。刻

高岷王子酌而請曰是可以無紀乎鳳泉子曰  
千仞之上萬峯之間有泉來鳳有亭翼泉有汪  
子口碑奚待於予言耶雖然予因泉亭之觀而  
有感於為政之道矣孔子曰溥博淵泉而時出  
之茲泉淵矣夫淵者體也時出者用也為政不  
有體乎用乎夫惟體之淵也則出之言而民信  
行而民悅其極也至於配天不然反是易曰井  
泥不食又曰井冽寒泉食茲泉冽矣為政不有  
泥乎冽乎夫惟泥而不食之也則為禽夫惟冽  
食之也則王明受福允以言用世之意也故曰  
滄浪之水清兮可以濯我纓滄浪之水濁兮可  
以濁我足是亭也可以興矣高岷子曰可紀者  
莫大於是遂命諸僧真騰圓望輩刻之石汪子  
名茂槐字庭植徽州人蓋海內文獻之家其授  
受固有自云

嘉靖辛丑春二月吉日

賜進士第中憲大夫陝西按察司副使前翰林  
院庶吉士鳳泉王邦瑞撰

有冰蘖之操焉。剗繁蠶弊，有風雷之厲焉。摧強植弱，有威愛之宜焉。予未及見胡公，聞之閭閻。雖兒童婦女，至今頌胡公之德者不衰。是在弘治初年，歷歲既久，故亭日頽，茂草荒穢。每值冠蓋登臨，輒用嘆惋。今縣簿汪子至，乃脩復之。汪子者，有胡公之志者也。觀其人，則木然無華言，訥行篤布衣，蔬食澹然，自居扣其中，則通經博史，綽有韞藉。發之政理，炳之文辭，問其政，則玉瑩霜潔，一芥必嚴大本。既端衆美，咸集稽之百姓，則萬口同聲，咸稱廉吏。至於登高，吊古覽勝，興懷則曠有雅志，迥出塵俗。庚子之秋，鳳泉王子偕汪子登鳳凰之山，徘徊泉上，久之因嘆曰：美哉山乎，泉乎，遐哉亭乎，胡可以無繼也。於是汪子諾諾，既而尋址誅茅，披雲築舍，不踰月而告成。工樂成之日，王子與客登焉，乃見諸峯環拱，檜竹交加，殿閣凌霄，星雲輝映，下臨洛水，縈迴如帶。一山之勝盡在目前，而凭欄是泉淵淵，冽冽古今不改，嗚呼偉哉！信一大奇觀矣。客有

十有五年矣庭植德愈脩貌愈豐時用未艾也  
一日過予出文卷徵予言展而玩之厥考君以  
醫隱以孝聞大司馬致仕彭公守徽時嘗錄姓  
氏入罷志以範後世茲復為傳以申其說夫罷  
守百政叢挫案牘堆積咸若未遑及獨孜孜惟  
隱君是求惟孝是篤智矣哉太守之政其急先  
務也隱君治易脩行足用於時乃以毋寡不忍  
遠遺賢矣哉隱君之孝其善養志也夫感物而  
相應謂之風循習而効立謂之俗風移而俗易  
謂之雅為政而雅亦可以觀德矣是故太守之  
賢隱君有以成其政隱君之孝太守有以求其  
傳勢固相成哉勢成則言順言順而文見謂之  
叙叙由作也嘉靖己丑季夏庚午甌寧梅岐謝  
純書

遊鳳凰泉亭記

宜陽縣之西十里許有鳳凰山一曰靈山山上  
有鳳凰泉泉上有亭亭作於前尹維揚胡公公  
以翰林庶吉士為名御史左遷是邑高標苦節

事母孝謹爲人所重尤明醫學活人甚衆是可謂克踐吾性之仁可法後人而通神明者況有聲詩傳世善道性情之正乎今庭植所遭亦然行追芳躅自茲發軔宦途受

命蒞職愈當推孝爲忠視民如子俾各安業遂生非惟象賢克孝且報

主克忠慶衍無涯矣爰力疾題其卷曰天真遺慶又書此以歸庭植其尚益敦學行克終厥德也哉

嘉靖五年歲次丙戌夏六月既望

賜進士出身光祿大夫柱國少保兼太子太保  
兵部尚書侍

經筵提督十二團營軍務前都察院掌院事左  
都御史致仕金城彭澤書于天倫至樂軒

天真遺慶後叙

予嘗踰徽嶺放績溪觀石鏡與汪庭植氏遇厥  
後庭植從伯兄叅戎公西遊遂肄業夏校督學  
屢試皆優等乃貢于春官茲復與庭植遇已越

亦至於足經而受之者惟手經此傳與受之辨也汪君之書其於傳變之形證也審以立之卓而行之達者也有志於醫學者尚潛心於斯謹於銓次之餘書其所以于卷末

歲丙午六月甲子朱允升書于東倚平梅  
花初月樓之老學軒

書績溪天真子汪君傳後

天命之性莫先于仁吾人之德莫先于孝孝而推心以仁民愛物亦吾性分固有之德也予致政歸田之四年山丹衛學貢士汪生茂槐庭植過予幸菴以乃翁傳見示且曰生久遠慈侍游學遠隔承族貴叅戎汪公淮遣充衛庠生茲應貢禮却便道歸省顧先考早世遺德在人翁昔守徽嘗紀入郡誌孝友傳生世感之今書為卷以裁請題其端更乞數言為重嗚呼君少失怙

義以立條目又雜采注錄以明章句中難曉之  
旨其間有因條目參互而論文有復出者然序  
列之先後標題之同異皆非苟然者要之汪君  
所編於本經無一字之遺而汪君新義於學者  
無一毫之隱太史公所謂成一家言者也或問  
如此則古昔傷寒之說皆非歟曰病之於身有  
傳有受傳者病之所經行受者病氣所留止也  
汪君所論者傳也玉機真臟論所謂寒入舍於  
肺傳之於肝肝傳之於脾脾傳之於腎腎傳之

於心心傳之於肺者也太陰陽明論曰陽受風  
氣陰受濕氣又曰傷於風者上先受之脉要精  
微論曰惡風者陽氣受也况執論所言傷寒証  
謂一日巨陽受之二日陽明受之以至六日厥  
陰受之未嘗一字言傳也凡於足經傷寒而言  
傳者皆後人之失也水潤下而就濕火炎上而  
就燥故寒則腎之臟腑先受之腎之臟腑足經  
也故其傳雖亦至於手經而受之者惟足經暑  
則心臟腑先受之心之臟腑手經也故其傳雖

汪氏有王淑者窮時常給事書齋見激所爲  
文亦竊為之多有警策語宗臣公義就教之  
嘉祐二年淑與激試禮部實蘇曾登第之年  
也淑名偶在曾輦上淑語人曰我壓得曾子  
固人曰子素無狂語淑曰今日非此狂語安  
能報我汪叅軍耶後汪氏有門生詩云  
欲似君家老王淑敢將狂語報叅軍

銓次發明傷寒書序

分經條證發明傷寒書者吾郡績仁齋汪君之  
所述也陽經傳其所叙臟病傳其所勝此汪君  
本於難經以著述成書之大指也歲乙巳冬幸  
得識汪君而伏讀其書循古聖一定之規以啓  
昔賢未發之秘其信道也篤其察證也精其用  
心也勤其立言也確誠愚平日所措思未諦者  
一旦得見之欣幸何如哉於是亟歸山齋傳錄  
銓次之大書傷寒元文以爲本經明著汪君新

題豁然亭

按家乘亭址在邑西堆上琛公所建前人

南看城市北看山。每到令人意豁然。碧瓦千家初過雨。青松萬壑正生烟。經秋卧病葺砧杵。此日登臨負酒舡。請諸公作佳句。壁間題我此詩先。

次韻汪覃秀才

蘇東坡

季子應嗔不下機。棄家來伴碧雲師。中秋冷坐無因醉。半月長齋未肯辭。擲簡搖毫無忤色。投名入社有新詩。飛騰桂籍他年事。莫忘山中採

藥時

次韻汪法曹山間小酌

蘇穎濱

按家乘宗臣字漢公熙寧間任將作監主簿御史蔡承禧試公詳明吏理保遷潤州司法參軍


高情不耐簿書圍。行揖青山肯見隨。綠野逢花將盡日。清樽追我正閒時。簷間雙燕欲生子。葉底新梅正滿枝。笑殺華陽窮縣令。床頭酒盡只顰眉。

三山老人筆談云

附錄外集

次韻汪文通監簿二首

蘇穎濱



連朝暑雨意如秋  
過客不來誰與遊  
賴有澹臺肯相顧  
坐令彭澤未能休

琴踈不辨彈心曲  
學廢誰能製束脩  
賴有邑人憐病懶  
共成清話勸遲留

按家乘汪琛一名深字文通宋嘉祐丁酉登進士章衡榜遷承務郎史館編校公為國子監簿歸時值黃門穎濱先生謫筠陽酒官移案績溪文通公因與之遊甚相得家藏先生手澤尚新



5